

嘉業堂
叢書

閬風集

第二冊



数据加载失败，请稍后重试！

閩風集卷七

宋舒岳祥景辭撰

七言律詩

贈敏求

鈔書滿架筆無塵自是餐霞洞裏人
性癖貪吟如好色話終更僕尙留賓
愛花更縮栽蔬地開徑還通指竹鄰
不是不貧貧得雅如今金隄總輸貧

戲贈牛女

擲果久憐潘岳好投梭不效幼輿癡
彩雲似扇羞郎面新月如弓學婦眉
喜鵲成橋終有別陽鳥出海且教遲
如何自古占天者不說經躔有動移

三月二十三日效樂天體

習習東風白苧裘餘寒未盡滯清愁柳疑楚舞腰偏細
鶯學吳音舌更柔好景良辰千古在騷人墨客幾時休
一年佳致惟春莫可惜花飛人白頭

小酌送春

春風元逐土牛來欲去金錢買不回莫道鶯花拋白髮
且將蠶豆伴青梅落花流水辭梁苑芳草斜陽上楚臺
老子不嫌閒寂坐綠陰如屋兩三杯

次韻答孫平叔感春之作

從教鑿石置官場不怕滄溟地脈傷薜荔開山鬼泣
莓苔迸出水精涼東周以後一春夢西晉於今幾夕陽

自有青天開豁處高秋買棹泛蒼茫

往時平叔所居樟林山出白石如水

晶有旨遣官鑿之

五陵三輔少年場往事懽娛總不傷
閱世鶯花見興廢隨時蜂蝶有炎涼
原嘗館寂生春草田竇門荒掩夕陽
漢殿唐宮亦如此由來天道本茫茫

江湖處處尋春去每到芳時醉不歸
簾幙生香花欲語池塘細雨燕交飛
閒思此事真難得或恐他生願不違
欲作三閒終老計買山囊罄值年飢

寄王真人

象簡銀冠覲冕旒一清沆瀣九天秋
西湖處士梅花屋太乙真人蓮葉舟
聞道遼東來白鶴不知函谷度青牛

人間天上無拘束且駕長螭賦遠遊

梅花一首遺正仲少見折贈之意

晴暖不妨臨石瀨清寒多是傍柴關香鬚蜂黻應知苦
斜影僧眠得占閒數點稀星枝上下一痕殘雪樹中閒
入冬冷落愁眉結見爾鮮明故展顏

三月十七日食櫻桃蠶豆知麥熟日至矣示家
人爲我進一杯也

清明已自斷百果櫻豆從頭次第嘗青山四面欲春晚
白髮千丈照溪長偶然坐石雲離次久不窺園竹亂行
甌石屢空惟食粥平皋聞道麥鬚黃

郭似山道士寄惠竹筆兩束啟緘乃羊毫也作

詩戲之

似山惠我筍絲筆乃是長鬚公子毫竹簡固應同被滌
琅函寧肯近腥臊若非月裏霜翫穎恐是仙家雲鹿毛
潤筆定須三百束爲君滴露注莊騷

賦素馨花

此花自正仲宅移植于此

小蕊清香真有韻柔條纖葉不勝春承平時節移新主
離亂風塵見故人淚重闌干添婀娜香殘篤耨駐細縕
舊恩深淺君自會莫問誰家時與親

賦橘花次正仲韻

璘娥琢月翦冰花著葉團團更不斜只把青蔥爭玉樹
不將天治鬪金沙吹香自滿騷人國成實還宜野叟家

老我真成被花惱尊前坐歎復行嗟

遊潘輿魏都治墓庵

弄日微陰駕筍輿柴桑五子共攜扶雲門鐘鼓先朝賜
丞相門庭近日殊綠樹兩行溪貫串青巒百摺路縈紆
惟餘守冢鷹窠在采捕令嚴無牧芻

墓道有角鷹產子有司禁民樵采

螢

熠熠孤光闔復開黃金一點亦微哉淩風欲作炎雲助
入屋翻疑夜雨來本爲微明生腐草誰知殘照落莓苔
暗飛只合藏形影羅扇收來卻是災

正仲過我一宿蓐食而行敘懷追餞之

又見王師下海夷書生筆硯自非宜風塵宇內成百戰

花隴山中自四時故舊凋零今已矣江山寂寞子何之
籃輿載雨怱怱去一飯無因話別離

楊花

斷茸冉冉青樓外浮影悠悠紫陌閒晴日暖風真得所
遊絲野馬與俱閒舞經林苑鶯銜去飛去簾櫳燕掠還
莫把蘆花來比擬秋深客子更愁顏

三月之朔邑庠請僕升講席說詩泮水正仲用
前韻紀之遂四次韻

春服初成冠與童聚觀王式一衰翁圓冠方屨還吾道
續衽鉤邊見古風投戈猶待漢符赤藏壁不隨秦火紅
寧可短衣充博士莫令城旦屬司空

次和正仲詠荷花月露二景

天香夜氣兩交加
艇子歌眠宿妙花
誰碾銀泥鋪水色
更調汞粉拂霜華
卽空是色非二景
有象無言別一家
此際含羞花正斂
明朝一片落驚嗟

風清月白天垂碧
有恨如羞半斂花
紅袖粉痕晨帶溼
翠盤珠影夜生華
楊枝洒潤菩提雨
薇水流香仙子家
幾度曉風過麴院
七年不見使人嗟

謝潘大惠萬歲藤杖

青山節節皆龍篆
蛻骨峻嶒幻此藤
栗柳生來呼上座
彌猴拾得奉胡僧
子能致此鬚牙具
我試攜之氣力增
欲上泰山賓出日
便須著腳共猱升

又詠萬歲藤杖酬正仲併謝元惠主人潘少白
不求海上千金藥且覓山中萬歲藤潘子入林親揀得
舒翁履險力扶能乞君瘦硬蒼龍節伴我清羸病鶴形
莫向潭邊令照影忽然變化老誰憑

正仲訪余棠谿帥初來會正仲時余欲歸闖風
計未能決書呈二友

晴雲高舉雪雲低日日占天候不齊
蒼白僵成茭白筍
麥黃淹作韭黃齏江湖吐日蠶晞甲山路成泥獸印蹏
老去欲休官不許夜來魂夢舊山谿

初四日暮春書懷寄董正翁寺正

尋春曾作太平民說著花時淚溼巾
風雨差池桃杏過

山林牢落鳥鳥親書中悶見傷心事畫裏思逢避世人
霄漢故交今隱遁有山堪買願爲鄰

賦水仙花

冷淡不生桃李徑只將素豔伴紅梅冰清玉潤檀心炯
日暮天寒翠袖迴似倚蘭舟并桂楫羞稱金盞共銀臺
誰將六出天花種移向人間妙奪胎

同正仲賦鳳仙花

其子名急性
不耐人觸也

本愛真紅一種奇後來紫白白繁滋青冠輕舉眞仙子
彩羽來儀瑞鳳兒石竹通家分異樣園葵附譜亦多姿
莫嫌性急難嬰觸我以爲規勝佩韋

七月二日曝書之明日作七夕一首併以呈正

仲

金風壁月清涼境紅蓼青萍迤邐秋漠漠蛛絲穿露重
微微螢火學星流何年才子誣躔象幾度佳人候女牛
一局爛柯經數代人閒隔歲未悠悠

剪春羅

誰裁嫠女輕羅段我有并州快剪刀色似山丹殊少肉
形如石竹亦多毫胭脂初褪黃先露蝴蝶才成翅未高
欲向小窗成扇面世無陶縝倩誰描

又戲和正仲賦剪春羅

昔時剪綵聊爲假今見裁羅卻是眞葉底綵窠本機戶
花邊線草是鍼人獨客書齋思折補靜姝繡閣學縫紉

晚花開徧幽畦草石竹山丹及麗春

示兒

蛻蝶將舒魄尙凝如癡如夢復如醒風吹海水飛成雪
月入梅花膠作冰有口勿言唯飲酒無家可著不如僧
眼前喜見行王政已有添丁充踐更

時州縣鈔具丁口

九日與正仲子堂君英舉酒於篆畦璋萬二姪

男庭堅仲容仲堪叔獻季臨與焉

登高勝具何人有重九佳名此日臨老眼已昏空悵望
壯心猶在惜銷沈天真呈露青山瘦世故流離白髮侵
漢水沈碑今出否古來賢達共沾襟

九日觀萬堂小酌懷正仲及梅所鍊師

極目冥鴻灝氣初人生快意食鱸魚剪來萸菊觴新酒
麾去蟲蠅俯舊書騷雅劉郎今健否清修周老近何如
篆畦雨裏青蒿長寂寞無人過草廬

新涼

慙媿秋風慰白鬚夜涼早已入籬條白蓮社裏幾人在
黃菊尊前萬事疏老婦自欣瓶有粟兒童休恨食無魚
故園紅桂通消息定有新詩一起予

六月甲申雨後涼氣如秋

蘋花消息入疏櫺六月何曾有此清晚飯出門新雨過
新衣臨水早蟬鳴月西人影如鴻影風裏松聲帶鶴聲
此意寂寥誰會得沈沈默默自含情

鬢邊嬌

天工施巧亦無窮，開盡枝頭入草中。
先借豆花來作樣，旋將槐蕊綴成叢。
淡勻弄色，薔薇紫，深蒂含胎。
豈翫紅，可是夏英無勝，汝鬢雲一朵愛瓏鬆。

免役後登山園小飲書懷

深憑歌酒送流紅，岸幘披襟萬頃風。
一斗白鷗蒼靄上，數篇黃鳥綠陰中。
不辭老疾餘年在，已付懽哀萬事空。
新荷使家除戶役，安居從此異征鴻。

辛巳自壽

按辛巳至元十八年

六十三翁自荷天，亂餘骨肉幾家全。
不材幸度龍蛇歲，多病休催犬馬年。
我老思親空有恨，人生不飲更堪憐。

差池九子森童冠屢舞交酬且眼前

詠芭蕉

虛明旱藕千絲透清冷寒泉百脈來綠燭怕燒先自障
青牋欲寄倩誰裁正憐夜雨敲篷響只恐秋風裂扇開
月下徘徊清影動卻疑翠鳳下瑤臺

詩訣

蕢桴土鼓爲聲始天球河圖非琢工欲自柳州參靖節
將邀東野適盧仝平原駿馬開黃霧下水輕舟遇快風
歷歷瑤琴怨遙夜泠泠玉佩度秋空

寒食書懷二首

曉寒颯颯侵駝褐山色盈盈入酒杯人物風流隨逝水